

Muhammad Zakaria juara Tradec 2015

PUTRAJAYA 11 Feb. - Semangat untuk mengubah nasib keluarga menjadi pendorong kepada kejayaan Muhammad Zakaria Zarkasi, 21, dari Tanjung Karang, Selangor muncul juara dalam Cabaran Usahawan Dagang 2015 (Tradec 2015).

Kejayaan tersebut membolehkan beliau membawa pulang hadiah berupa geran perniagaan bernilai RM1,300, pakej pelancongan perniagaan ke Guangzhou, China, piala pusingan Tradec 2015 serta sijil penyertaan.

Tradec 2015 anjuran Pusat Transformasi Komuniti Universiti (UCTC), Universiti Putra Malaysia (UPM) yang memasuki edisi ketiga itu mendapat sokongan penuh Kementerian Pendidikan Tinggi.

Muhammad Zakaria berkata, dia bersungguh-sungguh menyertai Tradec 2015 malah sanggup mengeluarkan wang simpanan daripada Lembaga Tabung Haji (Tabung Haji) sebanyak RM4,400 untuk dijadikan modal.

"Saya bersyukur kerana terpilih menjuarai cabaran ini dan amat berterima kasih kepada ahli keluarga dan rakan-rakan yang sentiasa

memberi sokongan," katanya ketika ditemui *Utusan Malaysia* selepas majlis penyampaian hadiah Tradec 2015 di sini baru-baru ini.

Tradec 2015 merupakan program pembangunan usahawan pelajar UPM dalam bidang perdagangan secara intensif dengan penyertaan sebanyak 25 peserta dalam program yang berlangsung selama dua bulan bermula 7 Disember lalu.

Menurut Muhammad Zakaria, selama dua bulan menjalani latihan di UTCT UPM, beliau berjaya mencatatkan keuntungan sebanyak RM51,645 melalui perniagaan sewaan dan jualan kasut roda yang beroperasi di Tanjung Karang dan Sabak Bernam, Selangor.

"Walaupun program Tradec 2015 ini sudah berakhir saya akan tetap meneruskan perniagaan ini, saya tidak mahu lihat keluarga saya hidup susah," katanya yang merupakan pelajar Ijazah Sarjana Muda Sains Komputer di UPM.

Sementara itu tempat kedua, Fitri Amirul Khairuddin, 24, dari Dengkil, Selangor membawa pulang hadiah berupa geran perniagaan

gaan bernilai RM1,000 dan pakej pelancongan perniagaan ke Ho Chi Minh, Vietnam.

Tempat ketiga pula dimenangi Nur Fadilah Zulkaply, 25, sekali gus membawa pulang hadiah berupa geran perniagaan bernilai RM700 berserta pakej pelancongan perniagaan ke Ho Chi Minh, Vietnam.

Dalam pada itu, Naib Canselor UPM, Datin Paduka Dr. Aini Idheris berkata, peserta Tradec 2015 berjaya meraih hasil jualan sebanyak RM248,148, pencapaian yang amat membanggakan kerana mereka mampu mencatatkan keuntungan dalam masa dua bulan.

"Program ini antara lain bertujuan memupuk semangat keusahaawanan dalam kalangan pelajar seterusnya menjadikan bidang keusahaawanan sebagai kerjaya sebaik menamatkan pengajian.

"Sepanjang program pelbagai topik menarik disediakan antaranya bengkel perancangan perniagaan, teknik memboring di luar negara, pengurusan asas perniagaan, rancangan perniagaan dan pendaftaran syarikat," katanya.

TRADING ENTERPRISESHIP CHALLENGE
CABARAN KEUSAHAWANAN DAGANG



MUHAMMAD ZAKARIA ZARKASI (tengah) dinobatkan sebagai juara sementara pemenang tempat kedua, Fitri Amirul Khairuddin (kanan) dan pemenang tempat ketiga, Nurfadilah Zulkaply dalam Tradec 2015 di UPM, Serdang, Selangor baru-baru ini.